

(清)何秋濤撰

朔方備乘

中國少數民族古籍集成(漢文版)

朔方備乘

朔方備乘卷第一

聖武述略一

東海諸部內屬述略敘

臣秋濤謹案東海諸部今屬吉林省統轄地周二萬餘里古靺鞨諸國境也前代朔漠未賓幅

輶不廣以靺鞨蒙古爲北徼我

聖朝

德教覃敷

天威遠震舉凡靺鞨蒙古悉屬內地以俄羅斯爲北

朔方備乘

卷一 東海諸部內屬述略敘

徼恭查

盛京通志載

盛京統部北至俄羅斯界五千一百餘里然

盛京北距吉林實不與俄羅斯相接惟吉林東北

隅三姓副都統地與俄羅斯密邇三姓所屬打

牲採捕諸部落即舊時東海諸部慕

德嚮

化久爲編氓是則爲

盛京屏障者吉林也爲吉林根本者東海諸部也

康熙年間羅刹侵擾至恒滾等地即吉林所屬

東海諸部舊壤此可見諭北徼邊防不可不留

意於東海矣欽惟我

朝

列聖柔遠綏民開疆益地凡最強最大之部落如蒙古

喀部準部回部胥隸

併幪設官蒞治其事昭著惟東海諸部止設姓長鄉

長未立專官是以

列朝裁定撫綏之偉績罕有知者曩時道員臣趙翼撰

朔方備乘

卷一

東海諸部內屬述略敘

二

皇朝武功紀盛自康熙中征討三藩之役以後悉有

述略而東海之事闕載厥後知州臣魏源撰

聖武記於征東海諸部事亦祇附見而未有專紀之篇

臣秋濤不揣固陋敬考羣書以述其略誠知

大烈耿光昭垂億禩即欲繪天賦海末由形似萬一竊

以紀述

聖德自附於清廟生民之篇頌揚

神功追擬於車攻常武之什斯則歡忻抃舞之懷所不

能自己者爾

東海諸部內屬述略

東海諸部皆在長白山以東長白山爲我

朝發祥之地松花江出焉北流至吉林又北轉東

流合黑水爲混同江逕甯古塔三姓以入東海

水勢環抱拱衛

神京古肅慎渤海女真諸國相繼居此至明萬歷

年間諸國分建滿洲之部五曰蘇克素護河臣秋

濤謹案一作蘇克蘇許河曰渾河曰完顏臣秋濤謹案曰棟

鄂臣秋濤謹案曰哲陳長白山之部二曰納殷

朔方備乘

卷一

東海諸部內屬述略

三

曰鴨綠江東海之部三曰窩集臣秋濤謹案曰

瓦爾喀曰呼爾哈魏源曰一作虎爾喀一作庫

考庫爾喀與呼爾哈爾喀臣秋濤謹案滿洲源流

並列疑非一部俟考臣秋濤謹案曰哈達曰輝發曰烏拉皆

金代部落之遺城郭土著射獵之國非蒙古行

國比也各主其方爭相雄長強凌弱衆暴寡而

扈倫四部最強皆在

興京之北今

盛京吉林兩將軍所轄境內至東海三部本明野

人衛地皆在甯古塔以東或瀕江海或居島嶼
距明邊絕遠多役屬於扈倫之烏拉部厥後我
朝奄有東海設吉林將軍統之亦以烏拉爲治所
仍舊貫也

太祖高皇帝受命於天削平諸國於是滿洲五部長白
山二部以及扈倫四部以次收入版圖其用兵
最勤且征且撫者莫如東海三部及黑龍江之
索倫等部蓋此諸部種族散處山林非有會豪
爲之雄長亦非如四扈倫之抗衡上國而

朔方備乘

卷一

東海諸部內屬述略

四

兩朝勞徠招攜之故則見於天聰八年

太宗諭諸將之征黑龍江者曰茲地人民語言騎射與
我國同撫而有之卽皆可爲我用攻略時宜告以爾
我先世本皆一國之人載籍甚明毋甘自外是故屢

次用兵皆未嘗興大眾其收服之人卽校射藝
區等第編旗披甲與兼弱攻昧之師不同茲謹
依

欽定開國方略諸書詳考東海諸部內屬之事稽年月
綴故實臚列於篇以便覽觀云

其索倫諸部內屬事詳見次卷

中國少數民族古籍集成（漢文版）

朔方備乘

太祖高皇帝戊戌年春正月招降安楚拉庫路先是大
臣費英東初征瓦爾喀部取噶嘉路殺部長阿
球降其衆以歸至是以安楚拉庫路舊屬瓦爾
喀部

太祖命長子褚英幼弟巴雅喇與費英東噶蓋統兵一
千征之星馳而往取屯寨二十餘招降萬餘人
而還於是褚英

賜號洪巴圖魯巴雅喇

賜號卓哩克圖

臣秋濤謹案滿洲源流考云安褚拉庫內河

朔方備乘

卷一

東海諸部內屬述略

五

三十餘與方略所記年分不同俟考己亥年春正月東海窩集部

之呼爾哈路長二人曰旺格曰彰格率百人來
朝獻黑白紅三色狐皮黑白二色貂皮自是呼
爾哈部朝貢時至其長博濟哩乞婚

太祖嘉其率先歸附因以大臣女六配其六長丁未年
春徙東海瓦爾喀部斐優城之衆於內地先是
丙申年陣獲烏拉布占泰釋歸主其國未幾布
占泰以珍物銅錘送葉赫貝勒納林布祿又以
我國所屬瓦爾喀部之安楚拉庫路內河路衆

〇〇三

所推服之三人送葉赫引其使人招誘安楚拉庫內河二路適有東海瓦爾喀部斐優城長策木特赫來朝告曰吾等因地方遙阻久附烏拉國今其國主布占泰遇吾等虐甚乞移家來附至是

太祖命弟舒爾哈齊長子褚英次子代善大臣費英東扈爾漢率兵三千至斐優城徙之時夜陰晦軍中大轟之上有光眾以為異捫視無有復樹之光如初舒爾哈齊曰吾自幼從

朔方備乘

卷一

東海諸部內屬述略

六

上征討所見多矣未有此異其非吉兆耶欲還兵褚英代善曰或吉或凶兆已定吾等遽還將何以報命耶遂決意前進至斐優城盡收環城屯寨凡五百戶令扈爾漢率兵三百護之先行烏拉貝勒布占泰發兵萬人邀諸路扈爾漢見之令五百戶結寨山巔以兵百人衛之使人馳告後隊諸貝勒是夕烏拉兵萬人扈爾漢所率兵僅二百人各據山一面結營相持翼日烏拉以萬人來攻我大將揚古利馳至先眾奮擊斬烏拉兵七人我

兵止傷一人烏拉兵退渡河登山畏懼不敢前兩軍相向駐營日過午我後隊諸貝勒率兵齊至見烏拉兵甚多褚英代善策馬而前諭軍士曰吾

父每有征伐無不摧堅陷敵今雖未親行而我等奉命來此爾眾何憂昔布占泰侵我國我國擒而縛之吾父宥其死復養之歸主其國為時未久人猶是人曾從吾手而釋非有天幸得脫也今豈不能再縛之耶彼兵雖多我國荷

朔方備乘

卷一

東海諸部內屬述略

七

天眷仗
天威吾
父威名夙著破敵兵必也眾軍士皆曰願効力遂渡河褚英代善各率兵五百分二路緣山奮擊烏拉兵大敗代善追及烏拉統兵貝勒博克多從馬上左手攬其胄而斬之時天氣晴明忽陰晦大雪寒冽被傷敵兵棄甲逃者僵仆甚眾是役也陣斬博克多及其子生擒貝勒常佳與貝勒瑚哩布斬三千級獲馬五千匹甲三千副師還

太祖賜舒爾哈齊號達爾漢巴圖魯以褚英遇大敵率先擊敗其眾

賜號阿爾哈圖圖們以代善陣斬博克多又與兄並進克敵

賜號固英巴圖魯先是東海窩集部之赫席赫路鄂謨和蘇嚕路佛納赫托克索路並附烏拉

太祖遣人招之降弗從五月

太祖命貝勒巴雅喇大臣額亦都費英東扈爾漢率兵千人往征遂取三路屯寨俘二千人而還戊申

朔方備乘

卷一 東海諸部內屬述略

八

年九月窩集部之呼爾哈路千人侵我甯古塔城我駐防薩齊庫路兵百擊敗之斬百人生擒十二人獲馬四百匹甲百副餘眾悉降既而降人有逃至窩集部之瑚葉路者匿弗以獻己酉年十二月

太祖遣扈爾漢率兵千人討之扈爾漢取瑚葉路二千

戶而還

太祖嘉其功

賜號達爾漢賚甲胄馬匹時有歸附我國之窩集部綏

芬路長圖楞爲窩集部之雅蘭路人所掠庚戌年十一月招降窩集部諸路長時

太祖遣額亦都率兵千人往窩集部之那木都祿路綏芬路甯古塔路尼瑪察路招其路長曰康古哩曰喀克篤哩曰昂古曰明安圖曰烏魯喀曰僧額曰泥喀哩曰塘松阿曰葉克舒等來歸令其挈家口前行額亦都旋師至雅蘭路遂擊取之收萬餘人而還辛亥年秋七月取烏爾固辰穆稜二路先是窩集部來歸路長僧額尼喀哩二

朔方備乘

卷一 東海諸部內屬述略

九

人以

太祖所賜甲四十副置綏芬地爲窩集部之烏爾固辰穆稜二路兵掠去

太祖遣呼爾哈部長博濟哩

方略曰卽己亥往二路宣年率眾歸附者

諭歸還所掠弗從乃

命第七子阿巴泰同大臣費英東安費揚古率兵千人

征烏爾固辰穆稜二路俘千餘人而還冬十一

月攻克扎庫塔城先是東海呼爾哈路扎庫塔

人來降

太祖賜之甲三十副其人以所

賜甲送黑龍江濱之窩集部人被於樹以試射又貪烏

拉國布正受其貝勒布占泰招撫至是

太祖遣額亦都何和哩扈爾漢率兵二千往征扎庫塔

城諭降弗從圍三日攻克其城斬千人俘二千

人並招降環近路長曰圖勒伸曰額勒伸令率

五百戶來歸癸丑年平烏拉國甲寅年冬十一

月征雅蘭錫琳二路先是窩集部之雅蘭路人

掠我所屬之綏芬路長圖楞我師征之有俘獲

朔方備乘

卷一 東海諸部內屬述略

十

係庚戌年事 至是

太祖遣兵五百征窩集部之雅蘭錫琳二路收降二百

戶俘千人而還乙卯年冬十一月征克額赫庫

掄先是窩集部東額赫庫掄人寄語我國之人

曰人謂爾國驍勇可來與我等決一戰

太祖遣兵二千至固納喀庫掄招之不服遂布陣鳴螺

越壕三層毀其柵攻克其城陣斬八百人俘獲

萬人收撫其居民編戶口五百乃班師天命二

年春二月丙申朔遣兵收海邊部衆時東海沿

邊諸部尙多未附

太祖遣兵四百往征凡散處部衆悉收之其島居負險

不服者乘小舟盡取之而還四年正月庚戌

太祖遣大臣穆哈連率兵千人征東海呼爾哈路六月

己未收其丁壯二千以還

駕出城撫之椎牛二十列筵二百來降路長分二等

賜賚上等者男婦十馬牛各十衣五襲次等者男婦五

馬牛各五衣三襲其田廬器物具備馬十年三

月辛未征東海瓦爾喀部詔將曰喀爾達曰富

朔方備乘

卷一 東海諸部內屬述略

十一

喀納曰塔裕攜降附之衆三百三十人以歸四

月初

太祖命族弟旺善大臣達珠瑚徹爾格統兵一千五百

人征東海瓦爾喀部俘獲甚衆是月己卯

駕出城迎之庚寅至必音地行獵凡四日會于穆瑚覺

羅地封牛八祭蠶畢旺善達珠瑚徹爾格率軍

士朝謁

太祖問曰爾等所向俱利耶旺善對曰仗

皇上洪福所至皆利因叩首

太祖與三臣行抱見禮以獵獲獸百餘及所攜酒二百

甕饗從征士卒及降附戶口還至瀋陽城北岡

復以牛羊四十酒四百甕分列四百筵大宴勞

之既入城又

賜從征士卒銀各五兩八月丁丑朔勞征克卦勒察軍

初

太祖遣大臣雅護喀穆達呢率兵征東海卦勒察部俘

獲二千人至是凱旋

駕出城宴勞之十月己卯勞征克呼爾哈軍初

朔方備乘

卷一 東海諸部內屬述略

主

太祖遣第三子阿拜第六子塔拜第九子巴布泰率兵

一千由北路征東海呼爾哈部侍衛博爾晉備

禦曰偉齊曰扎努曰塞紐克曰衷諾曰通貴曰

尼堪率兵二千由南路征東海呼爾哈部博爾

晉等招降五百戶先還

駕至津河

御行幄出征諸將率招來頭目朝見

賜宴而還至是阿拜等俘獲一千五百人以歸

駕復出城宴勞之十一年十月丙辰往征東海卦勒察

部大臣達珠瑚等以俘獲人口百餘及馬牛百餘還

太宗文皇帝天聰元年十二月長白山迤東濱海呼爾

哈部三人來朝以黑貂皮入貢二年五月長白

山迤東濱海呼爾哈部頭目曰禮佛塔曰布克

善曰喀秀曰克伊克拉來朝各

賜鞍馬緞衣并弓矢纛韃三年秋七月乙未庫爾喀部

頭目九人來朝以海豹皮入貢四年五月呼爾

哈部二十一人來朝以貂皮入貢十一月那堪

朔方備乘

卷一 東海諸部內屬述略

三

泰路之呼爾哈人瑪爾圖等攜家屬來歸

命於甯古塔邊地駐牧五年

命大臣蒙阿圖率官八員兵三百人往征瓦爾喀

諭之曰爾等行軍宜嚴紀律毋妄殺毋劫掠歸附之眾

皆編爲民戶攜還其所產貂皮及一切諸物毋得纖

毫私取若克建功績自加陞賞五年二月甲戌蒙阿

圖自甯古塔遣人奏報俘降男子千二百十九

名婦女千二百八十四口幼丁六百三名獲人

獲貂狐狍獐獐等皮及牛馬甚多三月甲午

駕出城十里外拜

天畢

御行幄凱旋主帥蒙阿圖遙拜一次近前復拜行抱見

禮副帥武巴海行禮同

詔獎蒙阿圖武巴海善於用兵出征勞苦設大宴特撤

御膳賜之六年冬

命大臣武巴海率兵征烏扎拉部武巴海分八旗兵爲

四路並趨渥赫河斬三百三十八人俘五百餘

人獲馬三百七十貂狐貉獾獾貉虎狼等皮

朔方備乘

卷一 東海諸部內屬遊略

古

千餘張裘二十餘領七年正月乙卯凱旋以所

俘分

賜將士有差十一月

命大臣吉思哈武巴海率官八員兵三百人征朝鮮接

壤之瓦爾喀部

諭之曰爾等勿專以俘獲爲念致降順之人復叛逃而

去所俘婦女當擇謹厚人守護若有姦淫事覺從重

治罪至將領士卒身欲休息止許弛弓晝寢若昏夜

務環甲上弦不可怠忽其八貝勒家人遇用兵處皆

令入伍聽調遣凡所俘獲令各自立營以無父母之

子女分給守視爾領兵諸將嚴飭軍士不許任意乘

馬馬正行時勿飲以水駐營時須散放滾塵先令食

草然後飲以水其甯古塔拉發二處人可分爲三以

二分留守一分隨征烏扎拉部落編戶人等亦令隨

征有所俘獲任其自取八年五月甲辰吉思哈武巴

海還至甯古塔遣人奏捷俘男子五百五十婦

女幼稚一千五百獲馬一百九十四牛一百八

十三貂狐貉獾獾貉黃鼠青鼠灰鼠等裘一

朔方備乘

卷一 東海諸部內屬遊略

圭

百六十三領皮二千二百五十張貂皮褥三綴

四布一百二十人獲八十斤初八旗每旗分隸

牛衆二十五後漸增至三十至是九月甲戌

太宗諭貝勒大臣以吉思哈等俘獲之瓦爾喀人戶不

必均隸八旗察明不足旗分撥補十一月使犬

部蓋青屯頭目僧格率五十人來朝貢貂皮十

二月癸卯遣大臣武巴海荆古爾岱率每旗將

領一員每牛衆甲兵一名共四百人往征瓦爾

喀

太宗命管兵部貝勒岳託傳

諭曰茲命爾等往征瓦爾喀所至務謹慎從事各副委任不可怠忽聞尼滿地方有千餘人在彼築城屯駐爾等宜往略之至各屯戶多少武巴海盡知可取者量力取之有分達哩所居之屯宜率鄉導往前先取餘可次第略定凡此諸屯非有統帥哨防不過泄泄然散處各村落然其人雖愚耳目頗眾爾等自寧古塔啟行之日卽行防範毋令彼知覺伺其所在以智取之所有俘獲當加意守視時其衣食勿令凍餒前

朔方備乘

卷一 東海諸部內屬述略

七

遣達珠瑚以疎忽遇害念其効力年久著有勞績方令承襲世職爾等未能如達珠瑚之功儻不自慎欲希格外之恩不可得也夫攻略之後或俘人遁逃或自被戕害皆由與彼同處日久漫無防範以及戕辱其婦女所致前者正紅旗輝滿征瓦爾喀時所爲多不義爾等慎勿效尤亦毋以其物力豐足妄行多取彼既服從秋毫不可犯爾等其毋違朕命臣秋濤謹案方略曰達珠瑚於天聰元年征瓦爾喀爲俘卒所害故此次諭旨及之九年正月使犬部索瑣科來朝四月武巴海荆古爾岱等

中國少數民族古籍集成（漢文版）

朔方備乘

自甯古塔遣噶爾珠奏報收撫瓦爾喀壯丁五百六十人婦女五百口幼稚九十口又俘獲婦女六十口馬六十牛百貂獐狍獾等皮六百六十有奇裘三十八領六月丙戌遣章京日塞紐克日沙努日喀克日徹尼日郎格日穆爾泰日佟阿圖日昂金等八員率各旗每牛衆兵一名往迎所降戶口是月丁酉武巴海荆古爾岱等攜所招降瓦爾喀部人至

命禮部諸臣出迎大宴之

朔方備乘

卷一 東海諸部內屬述略

七

賜屯長分達哩蟒緞朝服并緞褂其餘諸人依次分給

房屋衣服諸物仍以所獲

賜將士有差敘功陞武巴海荆古爾岱等世職並加世襲二次十月癸未復發兵征之每旗派官二員每牛衆兵五名漢軍二名分八旗爲四路兩旗合進一路兩黃旗武巴海爲帥其副日昂金日謨默里日叟塞日鄂屯日伊里布日蒙格率兵二百九十七名進兵之地二日額赫庫倫日額勒約索取其地壯丁七百五十人兩紅旗多濟

〇〇九

里爲帥其副曰方金曰布爾薩海曰雅爾堪曰
聶努克曰瑚什率兵二百五名進兵之地三日
雅蘭曰錫琳曰瑚葉取其地壯丁七百五十七
人兩藍旗扎福尼爲帥其副曰特穆祿曰諾穆
齊曰多蘭曰托密善曰塞格率兵二百九十八

名進兵之地二曰阿庫里曰尼滿取其地壯丁
四百八十人兩白旗武什塔爲帥其副曰瑯糾
日和勒多曰拜斯哈爾曰瑚新泰曰滿岱曰宜
爾海率兵三百三十七名進兵之地二曰諾囉

朔方備乘

卷一 東海諸部內屬略

太

曰阿萬取其地壯丁一千一十四人仍各攜鄉
導人以往出征主帥各授軍律一道其應取壯
丁及鄉導人姓名俱載四主帥軍律中武巴海
武什塔軍律內增一款云烏扎拉部方略曰即天聰六年
武巴海征服者百壯丁家勿得侵擾並往招伊兄弟塞
亨布克沙等之現居寧古塔者啟行之日兵部
承政曰徹爾格曰伊遜率出兵大臣進見

太宗諭曰此番馬匹較前肥壯自京城以至出邊須令
緩行休息既久即可兼程以進四路兵或有脫逃者

同時當記其數爾多濟里所往之地島嶼甚多可有可
取者造船取之如不可取當識之以爲後圖至其中
有從我國逃去者可遣人往招之諭以昔時爾等逃
亡因年歲不登之故今諸蒙古俱傾心內附爾等宜
速來歸如此開諭自當輸誠恐後也

諭畢遂行十年

臣秋濤謹案
卽崇德元年

三月庚申武什塔等奏言

八旗將士共俘獲壯丁一千一百六十名婦女
一百四十口馬三百三十七牛百八十所獲貂
狐猞猁獾等皮及人侵無算比還

朔方備乘

卷一 東海諸部內屬通略

尤

命禮部官迎宴於五里外諭功擢武巴海鄂屯等世職
並

賜諸將士人口馬匹貂皮布疋有差崇德二年正月癸

亥

太宗於朝鮮軍營遣外藩科爾沁扎魯特敖漢奈曼諸
部兵出朝鮮咸鏡道往征瓦爾喀

命蒙古衙門承政尼堪甲喇章京吉思哈牛象章京葉
克舒率每旗甲士十人導之以行道出會甯擊
敗朝鮮平壤巡撫兵二千人餘兵悉降五月十

命諸將曰喀凱曰塔克珠曰來虎曰舒書曰翁愛曰尼

日巴爾噶曰遜綏曰赫德曰珠瑪喇曰綽貝曰

棟果爾曰滿都祜曰占楚喀曰音達禮等率兵

率阿庫里尼滿地壯丁二百名穆稜地壯丁四

三

弟等壯丁三十名共一百七十名以先來歸人

一路率綏芬壯丁七十名雅蘭壯丁四十名瑚

以先來歸人曰圖球曰恰塔曰齊什訥爲鄉導

東塞木克勒以西壯丁五十名共一百十名以

先來歸人曰愛韜曰多爾周曰常濟里曰濟布

名以先來歸人曰雅爾布曰佛得密曰封濟達

捷言兩黃旗舒書塔克珠率甲士六十人入烏

星額曰塔克圖男子三十名家口八十馬七十

綏芬所獲曰剛球曰畢爾哈木曰巴爾珠男子

二十八人家口六十五兩白旗哈什屯滿都祜

三

伯得根曰哈里瑚曰阿爾珠曰克木訥曰畢爾

三並獲貂狐獐獾水獺等皮張甚多於次年

四月師還

賜新獲瓦爾喀男婦幼稚等衣服居室器用牲畜等物

并

賞喀凱等從征兵丁銀兩有差十二月

太宗率諸王貝勒等西獵於大草灘及卓索圖爾格尼

等處

命葉克舒爲右翼大臣星訥爲左翼大臣與其下曰阿福尼曰赫葉訥曰瑪喇希曰喀木齊哈曰喀爾喀瑪曰鄂謨克圖曰薩哈納曰穆成額曰叟塞日阿林曰巴雅爾圖曰塞赫曰哈喇勒岱曰訥爾特曰穆圖曰希福等率兵六百往征卦勒察部葉克舒星訥等師至薩哈勒察俘獲男子六百四十名家口一千七百二十名馬一百五十六匹牛一百有四頭三年四月

朔方備乘

卷一 東海諸部內屬述略

圭

盛京留守諸王遣兵部啟心郎占巴等齋疏以聞遣禮部承政庫魯克達爾漢阿賴祝世昌姜新等迎宴之尋以所獲薩哈勒察等衣服

賜兩翼大臣并

賞從征將士銀兩有差四年七月先是東方瓦爾喀部

衆叛入熊島至是

太宗命朝鮮國王李倬以舟師攻熊島擒其首嘉哈禪等縛送

盛京將同謀叛逃之人分別議罪仍遣四將曰薩

爾糾曰英古曰納爾泰曰錫圖等率兵八百人往瓦爾喀收其餘黨

諭曰爾等可於拉發地方牧馬前進兵少宜合爲一隊以行勿貪得輕殺勿妄取爲俘抗拒者諭降之殺傷我兵者誅戮之歸附之人編爲戶口令貢海豹皮諭以棄惡從善勉爲良民軍行往返勿侵擾朝鮮境地薩爾糾英古等遂攜嘉哈禪同往收捕餘黨五百人五年閏正月甲申

命戶部行文朝鮮國王令所在官員計口給糧俟我軍

朔方備乘

卷一 東海諸部內屬述略

圭

同時報明數目於額貢鳳凰城米內開除奏報並

敕諭薩爾糾英古等曰爾等所率軍士及收獲人口並嘉哈禪等所需口糧已諭令朝鮮計口給予勿令多索至所獲人口內有強暴不可信者約束前來餘俱仍留彼處擇其中可任使者一人統之如無可任使之人卽付與先降之嘉哈禪賴達庫分管二月丙辰太宗遣多濟里喀珠等率八旗甲士八人嚮導四人往

甯古塔會同章京曰鍾果兌曰達敏等酌帶兵

三四百名往征烏扎拉部

諭曰爾等此行或由水路或由陸路往返宜速務以兵扼其重地若得其地將遲誤貢獻及欺誑之人執之以歸凡事公議而行毋得怠忽五月甲辰戶部啟心郎布丹等自

盛京至錦州

御營奏薩爾糾等征瓦爾喀部俘獲男子三百三十六人歸降男子一百四十九人內有捕海豹二百四十三人捕貂鼠一百九十八人仍居彼地攜

朔方備乘

卷一

東海諸部內屬述略

三

來者四十四人俘獲家屬七百九十六口歸降家屬四百八十一口攜來者八十三口又來朝者曰羌都曰蘇拉庫曰塞木得三人輝克地方朱吉喇一人及先降之賴達庫與嘉哈禪之子日奇喇納曰艾都曰達松阿曰託和訥俱至尋以所獲壯丁四十二人充補各旗披甲之缺額者其歸降一百四十九人及新獲二百九十二人俱留置鄂朱屯中令每年貢貂皮海豹等物時多濟里等至烏扎拉俘獲百有十人於六月

癸酉師還

命於五里外迎宴之以烏扎拉壯丁四十三人補各旗披甲之缺額者

賜多濟里喀珠鍾果兌等各貂皮五十布三十其從征將士各論功分

賞貂皮布正有差七年九月

太宗命二將曰沙爾琥達曰珠瑪喇率將士往征松阿里江之呼爾喀部閏十一月沙爾琥達等遣人還奏喀爾喀木屯遮克特庫屯塔圖庫屯福提

朔方備乘

卷一

東海諸部內屬述略

三

希屯鄂爾琿屯幹齊奇屯庫巴察拉屯額提奇屯薩里屯尼葉爾伯屯十屯人民俱已招降於月之初十日自松阿里江旋師八年正月辛亥師還

命禮部官迎宴入城計獲男婦幼稚一千六百十九人牲畜六百三十有奇

命給新獲男婦衣服房屋及所用器皿分補各旗人丁缺額者敘功

賜沙爾琥達珠瑪喇等各緞布有差自是東海諸部悉

隸版圖順治十年始於甯古塔設昂邦章京副都統以鎮守之康熙元年改昂邦章京為鎮守甯古塔等處將軍十五年移將軍駐吉林烏拉留副都統鎮守甯古塔三十年設白都訥副都統雍正元年設甯古塔值年御史一年而更三年設阿勒楚喀協領一員四年於吉林設永吉州於甯古塔設泰甯縣於白都訥設長甯縣俱隸奉天府七年罷泰甯縣設三姓副都統乾隆元年罷長甯縣併歸永吉州九年設拉林副都統

朔方備乘 卷一 東海諸部內屬述略 五

統十二年罷永吉州改設吉林理事同知二十一年設阿勒楚喀副都統二十二年改甯古塔將軍為吉林將軍自是始稱吉林省三十四年罷拉林副都統此設官莅治之大略也按東三省駐防兵有老滿洲有新滿洲猶史言生女真熟女真也

國初收服諸部往往遷其家屬於盛京選其壯丁入旗披甲故凡種人之能成數佐領數十佐領者咸歸於滿洲若瓦爾喀若呼爾

哈若葉赫若輝發若烏拉若哈達今皆無此名目蓋已歸入滿洲故也其順治康熙年間續有招撫壯丁願遷內地編佐領隸旗籍者則以新滿洲名之

國語所謂伊徹滿洲也至東北邊部落來甯古塔納貢者或謂之伊徹滿洲或仍其部落之名每年四月至六月以次入貢自甯古塔東北行四百餘里居呼爾哈河松花江兩岸者曰諾雷臣

齊謹案一作開雷一作
拳耶勒天聰五年朝貢
曰克宜克勒 案一作革

朔方備乘 卷一 東海諸部內屬述略 五

依克勒一作克益克 曰祐什哈哩 臣秋濤謹案
勒崇德二年朝貢 一作祐什喀
禮一作虎習哈禮 此三喀喇 臣秋濤謹案喀
崇德三年朝貢 喇漢言姓也 役
屬久其頭目壯丁漸移家內地編甲入戶有服官於

京師者初以魚皮為衣後被

德化冠服修飾 柳邊紀略曰俗稱窩稽達子即窩集部 皆稱伊徹滿洲

臣秋濤謹案伊徹一作伊車 其地產貂三姓城即因三
喀喇為名也自甯古塔東行千餘里居烏蘇里
江兩岸者曰木倫 臣秋濤謹案一作木輪一作
木倫一作穆連一作穆稜一作

倫一作尤俗類窩集產貂又東二百餘里居尼滿柳邊

紀略一作伊河源者曰奇雅喀喇會典圖作奇雅喀

牙喀一作喀其人黥面地產貂無五穀夏食魚冬食獸

以其皮爲衣自宵古塔東北行千五百里居混

同江黑龍江兩岸者曰赫哲喀喇臣秋濤謹案此從滿洲源

喇通考柳邊紀略作喇髮黑金喀俗類窩集產貂

以上皆每年入貢又東北行四五百里居烏蘇

里江混同江黑龍江三江匯流左右者曰額登

喀喇臣秋濤謹案此從通志柳邊紀略作不喇髮黑金喀喇滿洲源流考亦曰赫哲喀喇

朔方備乘

卷一

東海諸部內屬述略

五

一作赫真其人披髮鼻端貫金環衣魚獸皮陸行乘

舟或以舟行冰上駕以犬柳邊紀略曰御者持木篙立舟上若水行

者然攔頭所謂使犬國也其語與窩集異無文字筆

墨裂革以記事如古之結繩然地產貂通志曰自宵古

塔水路至其部東北又東北行七八百里曰飛

牙喀臣秋濤謹案俗與額登喀喇同而赤股無

袴以皮蔽其前自宵古塔東北行三千里曰奇

勒爾臣秋濤謹案濱大東海俗產與奇雅喀喇

同以上各部皆三年一貢柳邊紀略曰凡歲貢賜衣冠

什器之外宴一次固山達以下陪宴三年 又有

一貢者宴三次宵古塔梅勒章京陪宴

使鹿鄂倫春使馬鄂倫春二部臣秋濤謹案鄂倫春一作俄倫

春一作鄂樂春皆在混同江北岸使鹿部在使

馬部之外使馬鄂倫春距齊齊哈爾城五六百

里使鹿鄂倫春距齊齊哈爾城千餘里 又有遠在海中不能至宵

古塔之庫葉一部每年六月遣官至距宵古塔

三千里之普祿鄉收貢頒賜魏源曰又有不編

奇勒爾日費雅喀與海中之庫頁島皆更在鄂

朔方備乘

卷一

東海諸部內屬述略

五

倫春之外每歲不能以時至庫頁島則以六月

期集於三千里外之普祿鄉而章京舟行如期

往受之斯則不惟非滿洲亦非索倫等部幾同

土番羈縻矣臣秋濤謹案庫葉島所居凡三種

日庫葉日費雅喀日鄂倫春所居既遠自與海

偏以內各部習俗稍別紀載未能詳也普祿鄉當

即普隆靄噶珊亦作滿望噶山在齊齊哈爾之西

凡此諸部皆滿洲所屬故會典不列於理藩

院然赫哲費雅喀來京娶婦則禮部允祿寺供

筵燕 盛京工部供薪藁略如蒙古儀蓋皆遵用 國初撫循東海諸部舊典也異域錄載俄羅斯伊 盪謝柏興有一種人乘鹿者呼鹿曰該倫此可 見俄倫春命名即以使鹿之故而東北濱大拉 該海諸地壤接俄羅斯習俗大略相同康熙初

年羅刹犯境自牛滿河東抵恆滾侵擾赫哲奇

勒爾等部又有自北海來之羅刹與費雅喀人

戰又脅取鄂倫春部質子勢甚蔓延我

聖祖仁皇帝神武布昭勦撫並施始臻平定二百年來

東海諸部共樂昇平以自古荒遠不聞之地遠

至邇安億兆蒙福如此

聖德

神功夔乎莫並矣

朔方備乘

卷一

東海諸部內屬述略

三

朔方備乘卷第二

聖武述略二

索倫諸部內屬述略敘

臣秋濤謹案黑龍江爲東三省之一其地居人

不盡索倫也有滿洲有漢軍則徙自吉林有巴

爾呼一作巴爾虎有鄂勒特即額魯特之異文則歸自蒙古

有達呼爾有俄倫春有畢喇爾則其同鄉而別

爲部落者世於黑龍江人不問部族概稱索倫

而黑龍江人居之不疑亦雅喜以索倫自號說

朔方備乘

卷二

索倫諸部內屬述略敘

一

者謂索倫驍勇聞天下故藉其名以自壯茲記

黑龍江諸部事蹟以索倫冠之職是故也我

太祖高皇帝開國之初多用兵於

盛京吉林之境然尼堪外蘭築城鄂勒歡實今齊

齊哈爾之地蓋遁居僻遠思追天誅而

聖皇親御桴鼓卽日蕩平征討及於龍江實自茲始厥

後

命帥奏功則有若黑龍江之薩哈連呼爾哈等部薩哈

連卽黑龍江之別名呼爾哈卽布特哈之音轉

朔方備乘卷一

拔貢張惇德初校
知縣吳壽坤覆校

與東海之呼爾哈部及族同而地域異也

太宗文皇帝續緒詰戎屢征索倫並取雅克薩鐸陳諸

城於是諸部畏

威懷

德來享來王幅員有截式廓日增誠亘古未有之盛事

也自索倫諸部既平而俄羅斯國亦以是時略

地而東遂於順治年間竊據雅克薩地侵擾索

倫等部垂四十年賴我

聖祖仁皇帝廟謀先定築城運糧屢奏克捷察罕汗上

朔方備乘

卷二

索倫諸部內屬述略

二

書請和立石定界索倫諸部遂得並臻清謐而

黑龍江之建爲省會肇基於此敬述原委於以

見

列聖謨烈萬世永賴云

索倫諸部內屬述略

索倫諸部者黑龍江省土著之民也黑龍江省

以水爲名地在吉林之北東西三千餘里南北

四千里後魏時爲黑水部屬勿吉唐曰黑水靺

鞨跨江分南北部黑水部之北爲思慕靺鞨郡

利靺鞨窟說靺鞨近西北者爲室韋部唐會要

言思慕等部南與渤海德里府接東至大海北

至小海今考黑龍江極北有小海卽泰西人所

謂大拉該海也北史所云于已尼大水卽北海

者當卽指此其地溟渤遼環興安層抱重江疊

嶂控扼諸藩雖遼金之盛亦止統轄其南境至

其北境則歷代皆羈縻之地不能列入版圖也

國初時有薩哈連部臣秋濤謹案薩哈連部雖屬

之東當時各部地域相錯類如此今以濱黑龍江地皆類載於此卷以便檢閱云

朔方備乘

卷二

索倫諸部內屬述略

三

察部薩哈勒察部呼爾哈部索倫部又有音達

琿塔庫喇喇路諾囉路錫拉忻路皆附近薩哈

連部者又有博和里屯諾爾噶勒屯都里屯小

噶里達蘇屯大噶里達蘇屯綽庫禪屯能吉勒

屯皆呼爾哈部之別也又有瑚爾布爾屯臣秋濤謹案

案一作厄沃呀屯臣秋濤謹案烏魯蘇屯塞布

奇屯臣秋濤謹案郭博爾屯臣秋濤謹案額蘇

哩屯阿里岱屯臣秋濤謹案克音屯臣秋濤謹案一作赫赫岱

殷海倫屯裕爾根屯固濃屯昆都倫屯烏蘭屯